



QUARTA LINGUA 2019

L'onn da rapport ha cumenzà cun la radunanza generala da la Quarta Lingua (QL) ils 21 da mars 2019 da nov en il Literaturhaus a Turitg. Suenter in lung ed intensiv temp en la suprastanza è sa retratgas Barbara Cuffaro-Strebel e Bettina Berther che n'èn betg mo stadas en uffizi sco commembras da la suprastanza, mabain era sco copresidentas. Deplorablmain ha er Ivo Zen demissiunà per motivs da temp. A tuts trais engraziain nus da cor per lur grond engaschi cun blers inputs.

Cun Michele Luigi Badilatti e Valeria Martina Badilatti avain nus pudì gudagnar duas persunas che portan nov schlantsch en suprastanza.

Suenter la part statutara ha il nov commember da la suprastanza e collavuratur da l'Institut Dicziunari Rumantsch Grischun Michele Badilatti fatg in referat davart il tema «DRG online – Dicziunari Rumantsch Grischun online» che ha dà novas invistas en la cultura rumantscha.

L'onn 2019 ha la suprastanza da la QL decidì da pajar naginas contribuziuns da sustegn ils onns 2019 e 2020. Sin fundament da mesiras da spargn ha la QL midà a curta vista la pratica da concessiun e scrit or ina concorrenza dotada cun CHF 10'000. Cun questa summa vul la QL (gidar a) pussibilitar la realisaziun d'in nov project. Quest project duai intermediar a moda creativa e durabla la lavur culturala rumantscha en las ulteriuras regiuns linguisticas e/u promover la preschientscha en il spazi public da las Rumantschas e dals Rumantschs che vivan en la diaspora. Il termin d'inoltraziun è vegnì fixà per la fin da zercladur 2020.

Al di da l'avertura dal festival da 100 onns Lia Rumantscha a Zuoz ha la presidenta da la QL prendì part.

La suprastanza è vegnida ensemen l'onn da rapport per ina seduta ordinaria per instradar la concorrenza. Las ulteriuras fatschentas e preparaziuns avain nus fatg online. Per motivs da collisiuns da termins avain nus spustà la seduta d'enviern sin il favrer 2020.

A la sesida dal cussegl da la Lia Rumantscha (LR) il 2019 ha prendì part Michele Badilatti. Da la radunanza da delegadas e delegads da la LR ils 26 d'october 2019 a Cuir èn stads preschents Petra Camathias, Michele Badilatti e Nathalie Killias.

Suprastanza

Presidenta Petra Camathias
 Nathalie Killias
 Kaspar Silberschmidt
 Ivana Cabalzar
 Bettina Vital
 Michele Badilatti
 Valeria Badilatti